

---

**AKTI I THEMELIMIT DHE STATUTI I  
SHOQËRISË ME PËRGJEGJËSI TË KUFIZUAR**

**Polyglot Services Albania shpk**

**DATE 21/07/2023**

---

*Shk*

**AKTI I THEMELIMIT DHE STATUTI**  
**I SHOQËRISË ME PËRGJEGJËSI TË KUFIZUAR**  
**Polyglot Services Albania shpk**

**KREU I**  
**EMRI I SHOQËRISË, SELIA, KOHËZGJATJA, OBJEKTI**

**NENI 1**  
**EMRI I SHOQËRISË**

- 1.1 Emri i shoqërisë me përgjegjësi të kufizuar është **Polyglot Services Albania shpk**. (më poshtë e quajtur "Shoqëria").

**NENI 2**  
**SELIA**

- 2.1 Selia e Shoqërisë ndodhet në adresën: **Rruga e Kavajës, blloku i dyqaneve "100 Vitrinat", kati i dytë, Kulla B, Tiranë, Shqipëri.**
- 2.2 Ortaku i Vetëm mund të vendosë mbi transferimin e selisë së Shoqërisë në një adresë tjetër. Personat përgjegjës për administrimin e Shoqërisë mund të çelin ose mbyllin degë dhe/ose zyra përfaqësimi, si brenda ashtu edhe jashtë Republikës së Shqipërisë.

**NENI 3**  
**KOHËZGJATJA**

- 3.1 Shoqëria do të zhvillojë aktivitetin e saj për një periudhë kohore me afat të pacaktuar.

**NENI 4**  
**OBJEKTI I SHOQËRISË**

- 4.1 Shoqëria ka për objekt të saj kryerjen dhe marrjen pjesë në të gjitha aktivitetet që një shoqëri me përgjegjësi të kufizuar mund të ushtrojë në bazë të legjislacionit shqiptar, dhe në veçanti: Përkthime zyrtare të licensuara nga Ministria e Drejtësisë.
- 4.2 Gjithashtu, Shoqëria mund të kryejë çdo aktivitet tjetër të nevojshëm apo të dobishëm për realizimin e qëllimeve të saj.
- 4.3 Për të arritur objektin e saj, Shoqëria mund të realizojë drejtpërdrejtë apo në mënyrë të tërthortë çdo lloj pjesëmarrje në shoqëri të tjera shqiptare apo të huaja, si edhe të hyje në marrëdhënie kontraktore, bashkëpunimi ose ortakërie me persona të tretë, privatë ose publikë, vendas ose të huaj.



**KREU II**  
**KAPITALI I SHOQËRISË TRANSFERIMI I KUOTAVE FINANCIMI**

**NENI 5**  
**KAPITALI I SHOQËRISË**

- 5.1 Kapitali i Shoqërisë është prej 100 (njëqind) Lekë, i ndarë në 1 (një) kuotë me vlerë nominale 100 Lekë, që përfaqëson 100% të kapitalit themeltar, kapital i cili është nënshkruar nga Ortaku i Vetëm i shoqërisë: **Imelda Dembacaj**, madhore me zotësi të plotë për të vepruar, e datëlindjes **22/01/1984** lindur në **Lezhë, Shqipëri** dhe banuese në **Tiranë, Shqipëri**, shtetase e Republikës së Shqipërisë, identifikuar sipas ligjit nëpërmjet Kartë Identiteti **I45122055D** (në vijim “**Ortaku i Vetëm**”).

**NENI 6**  
**TRANSFERIMI I KUOTAVE TË KAPITALIT TEK TË TRETET**

- 6.1 Kuotat e shoqërisë mund të transferohen lirisht tek palët e treta në përputhje me dispozitat e legjislacionit shqiptar në fuqi.

**NENI 7**  
**BARRËT MBI KUOTAT E KAPITALIT**

- 7.1 Kuotat e kapitalit të Shoqërisë mund të rendohen lirisht me barrë siguroese apo të drejta të tjera reale.

**KREU III**  
**ORTAKU I VETËM, FINANCIMET**

**NENI 8**  
**ORTAKU I VETËM**

- 8.1 Ortak i Vetëm i Shoqërisë është **Imelda Dembacaj**, madhore me zotësi të plotë për të vepruar, e datëlindjes **22/01/1984** lindur në **Lezhë, Shqipëri** dhe banuese në **Tiranë, Shqipëri**, shtetase e Republikës së Shqipërisë, identifikuar sipas ligjit nëpërmjet Kartë Identiteti **I45122055D**.

**NENI 9**  
**VENDIMET E ORTAKUT TË VETËM**

- 9.1 Ortaku i Vetëm, në përputhje me legjislacionin shqiptar merr vendime në lidhje me: (i) ndryshimin e këtij Statuti, (ii) zmadhimin e zvogëlimin e kapitalit të Shoqërisë, (iii) kalimin e kuotave të Shoqërisë, (iv) emërimin dhe shkarkimin e Administratorëve si edhe emërimin e shkarkimin e ekspertit(ëve) kontabël të autorizuar, (v) miratimin e bilancit vjetor të Shoqërisë si edhe të çdo raporti tjetër financiar, (vi) shndërrimin, shpërndarjen dhe likuidimin e Shoqërisë, (vii) emërimin e likuidatorit(ëve) dhe çdo vendim tjetër që sipas ligjit i takon Ortakut të Vetëm.
- 9.2 Vendimet e Ortakut të Vetëm duhet të merren me shkrim dhe të regjistrohen në regjistrin e mbajtur pranë selisë së Shoqërisë.



**NENI 10**  
**FINANCIMI I SHOQËRISË**

- 10.1** Organi i Administrimit të Shoqërisë, në përputhje me dispozitat në fuqi, përveç rasteve të zmadhimit të kapitalit, ka të drejtë të kërkojë nga ortaku i vetëm i shoqërisë fondet e nevojshme për arritjen e objektivave të shoqërisë.
- 10.2** Financimet e mëtejshme të ortakut në shoqëri do të jenë me shpërblim (interesa) apo pa shpërblim, në varësi të titullit nëpërmjet të cilit do të lëvrohen këto fonde.

**KREU IV**  
**ADMINISTRIMI I SHOQËRISË**

**NENI 11**  
**ADMINISTRIMI I SHOQËRISË**

- 11.1** Shoqëria administrohet nga 1 (një) Administrator i cili emërohet nga ortaku i vetëm për një periudhë 5 (pese) vjeçare, me të drejtë rizgjedhje. Ortaku i Vetëm ka të drejtë të emërojë, apo pushojë në çdo kohe Administratorin.
- 11.2** Si Administrator i Shoqërisë emërohet:  
**Zj.Imelda Dembacaj**, madhore me zotësi të plotë për të vepruar, e datëlindjes **22/01/1984** lindur në **Lezhë, Shqipëri** dhe banuese në **Tiranë, Shqipëri**, shtetase e Republikës së Shqipërisë, identifikuar sipas ligjit nëpërmjet Kartë Identiteti **I45122055D**.
- 11.3** Administratori i vetëm përfaqëson Shoqërinë kundrejt palëve të treta, përfshirë autoritetet publike dhe private, vendase ose të huaja, bankat, autoritetit tatimore dhe gjyqësore. Administratori është përgjegjës për veprimet e kryera në administrimin e Shoqërisë sipas këtij akt themelimi dhe statuti e legjislacionit shqiptar.
- 11.4** Administratori vepron në përputhje me politikat e biznesit të përcaktuara nga Ortaku i Vetëm. Administratori mund të ndërmarrë apo kërkojë kryerjen e të gjitha akteve që konsideron të nevojshme për arritjen e objektit të Shoqërisë, përveç atyre që ligji apo statuti i rezervon Ortakut të Vetëm apo organeve të tjera të Shoqërisë.
- 11.5** Administratori është përgjegjës për veprimet dhe mosveprimet e kryera gjatë administrimit të Shoqërisë. Administratori mund t'ua delegojë palëve të treta tagrat e lidhura me administrimin e Shoqërisë. Administratori mbetet përgjegjës i drejtpërdrejtë për të gjitha veprimet e kryera nga përfaqësuesit në lidhje me administrimin e Shoqërisë.  
Administratori ka të drejtë të autorizojë person ose subjekte të tretë me prokurë të posacme për të përfaqësuar shoqërinë kundrejt entiteteve të tjera, publike dhe private.
- 11.6** Administratori do të veprojë gjatë gjithë kohës në interes të Shoqërisë. Në rast të një konflikti interesi, Administratori do të informojë menjëherë Ortakun e Vetëm, dhe nuk do të kryejë asnjë veprim lidhur me çështjen objekt i konfliktit të interesit, deri në pajisjen me udhëzimet përkatëse nga Ortaku i Vetëm.



**NENI 12**  
**SHPËRBLIMI I ADMINISTRATORËVE**

- 12.1 Ortaku i Vetëm përcakton shpërblimin e Administratorit të shoqërisë.

**KREU V**  
**KONTROLLI I KONTABËL I SHOQËRISË**  
**VITI FINANCIAR DHE BILANCI**

**NENI 13**  
**KONTROLLI KONTABËL**

- 13.1 Kontrolli i jashtëm kontabël i Shoqërisë kryhet nga Ekspertë Kontabël të Autorizuar, në përputhje me legjislacionin shqiptar në fuqi. Ortaku i Vetëm do të emërojë një apo më shumë ekspertë kontabël në ato raste kur emërimi i tyre konsiderohet i nevojshëm ose kërkohet në bazë të ligjit.

**NENI 14**  
**VITI FINANCIAR**

- 14.1 Viti Financiar i Shoqërisë fillon më 1 Janar dhe mbaron më 31 Dhjetor të çdo viti.

**NENI 15**  
**BILANCI VJETOR DHE REZERVAT**

- 15.1 Me mbylljen e secilit vit financiar, Administratori merr masat e nevojshme për hartimin e bilancit të aktivitetit për vitin financiar të mbyllur, në mënyrë që Ortaku i Vetëm të vendosë mbi miratimin apo ndryshimet e mundshme të tij brenda afateve të përcaktuara nga ligji.
- 15.2 Bilanci vjetor, pasqyrat financiare, inventarët, raportet e Administratorit dhe Ekspertit Kontabël miratohen nga ortaku i Vetëm. Administratori i paraqet Ortakut të Vetëm për miratim, raportin mbi administrimit të Shoqërisë si dhe pasqyrat financiare vjetore.
- 15.3 Ortaku i Vetëm vendos mbi ndarjen e dividendëve që rezultojnë si fitime sipas bilancit të miratuar rregullisht, pasi nga këto shuma të jenë zbritur humbjet e mundshme të viteve të mëparshme.
- 15.4 Ortaku i Vetëm në çdo moment mund të vendosë krijimin e rezervave, si edhe masën e tyre.

**KREU VI**  
**PRISHJA DHE NJOFTIMET**

**NENI 16**  
**PRISHJA DHE LIKUIDIMI I SHOQËRISË**

- 16.1 Në rastin e likuidimit të Shoqërisë do të zbatohen dispozitat e parashikuara në ligjin nr. 9901, datë 14.04.2008, "Për Tregtarët dhe Shoqëritë Tregtare".



**NENI 17**  
**NJOFTIMET**

- 17.1** Të gjitha njoftimet, kërkesat ose komunikimet e tjera që u jepen personave ose që bëjnë personat sipas Statutit do të kryhen me shkrim ose përmes komunikimit elektronik (nëse ka) dhe do të konsiderohen të kryera në mënyrë të rregullt kur u dërgohen në adresat e deklaruara prej tyre pranë Administratorit të Shoqërisë.
- 17.2** Njoftimet zyrtare të komunikimeve me anë të mjeteve elektronike vërtetohen sipas Legjislacionit për nënshkrimin elektronik dhe dërgohen në adresat elektronike të deklaruara prej tyre.
- 17.3** Në rastin kur një kuotë zotërohet nga më shumë se një person, të gjitha njoftimet do ti drejtohen përfaqësuesit të bashkëzotëruesve të kuotës.

**KREU VII**  
**DISPOZITA PËRFUNDIMTARE**

**NENI 18**  
**LIGJI I ZBATUESHËM**

- 18.1** Shoqëria do të zhvillojë veprimtarinë e saj në përputhje me parashikimet e këtij Akti Themelimi, Statuti dhe legjislacionit shqiptar. Për të gjitha ato çështjet që nuk janë parashikuar në këtë dokument, do të zbatohen dispozitat e legjislacionit shqiptar mbi shoqëritë tregtare.

**NENI 19**  
**ZGJIDHJA E MOSMARRËVESHJEVE**

- 19.1** Çdo mosmarrëveshje ndërmjet Shoqërisë dhe ortakëve të saj, ose ndërmjet ortakëve dhe trashëgimtarëve të tyre, dhe/ose Shoqërisë, lidhur me interpretimin dhe / ose zbatimin e këtij Akti Themelimi dhe Statuti, do të zgjidhet me mirëkuptim ndërmjet palëve të interesuar. Në rast se nuk arrihet zgjidhja me mirëkuptim ndërmjet palëve, kompetente për zgjidhjen e mosmarrëveshjes do të jetë Gjykata e Rrethit Tiranë.

**NENI 20**  
**GJUHA**

- 20.1** Ky Akt Themelimi dhe Statut përpilohet në 4 ( katër ) kopje në gjuhën shqipe.

**ORTAKU I VETËM**  
**Imelda Dembacaj**



*Statuti dhe Akti i themelimit Polyglot Services Albania*